

Na osnovu člana 46. stav (3) i člana 85. stav (1) tačka i) Zakona o obrtu i srodnim djelatnostima u Federaciji Bosne i Hercegovine („Službene novine Federacije BiH“, broj 75/21), federalni ministar razvoja, poduzetništva i obrta na prijedlog Obrtničke komore Federacije Bosne i Hercegovine donosi

P R A V I L N I K

o načinu plaćanja, visini i raspodjeli članarine između udruženja obrtnika i udruženja lica koja obavljaju srodne djelatnosti, obrtničkih komora kantona i Obrtničke komore Federacije Bosne i Hercegovine

Sl.novine 52/23

Član 1.

(Sadržaj)

Pravilnikom o načinu plaćanja, visini i raspodjeli članarine između udruženja obrtnika i udruženja lica koji obavljaju srodne djelatnosti, obrtničkih komora kantona i Obrtničke komore Federacije Bosne i Hercegovine (u daljnjem tekstu: Pravilnik) propisani su obaveznici plaćanja članarine, nastanak obaveze, prestanak i privremeni prestanak obaveze plaćanja članarine, oslobađanje od plaćanja članarine, način uplate članarine, rokovi za uplatu, način raspodjele članarine između udruženja obrtnika i udruženja lica koja obavljaju srodne djelatnosti, obrtničkih komora kantona i Obrtničke komore Federacije Bosne i Hercegovine.

Član 2.

(Obaveznici plaćanja članarine)

- (1) U skladu sa članom 46. stav (1) i (2) Zakona o obrtu i srodnim djelatnostima u Federaciji Bosne i Hercegovine (u daljnjem tekstu: Zakon) obaveznici plaćanja članarine su:
 - a) Obrti i srodne djelatnosti osnovani su u skladu sa Zakonom, a koji samostalno ili u zajedničkom obrtu obavljaju djelatnost u osnovnom i dodatnom zanimanju.
 - b) Privredna društva i druga pravna lica, osnovana po drugim zakonima, koja su se dobrovoljno učlanila u udruženje, u skladu sa članom 49. stav (3) Zakona odnosno u obrtničku komoru u skladu sa članom 55. stav (4) Zakona.
- (2) Izuzetno od stava (1) ovog člana za zajednički obrt/srodnu djelatnost obaveznik plaćanja članarine je svako fizičko lice koje zajednički obavlja obrt/srodnu djelatnost.

Član 3.

(Nastanak obaveze)

- (1) Obaveza plaćanja članarine za obaveznike plaćanja članarine iz člana 2.stav 1. tačka a) Pravilnika nastaje danom konačnosti Rješenja o odobrenju obavljanja djelatnosti.
- (2) Obaveza plaćanja članarine za obaveznike plaćanja članarine iz člana 2.stav 1. tačka b) Pravilnika nastaje danom donošenja odluke o prijemu u članstvo od strane nadležnog organa udruženja odnosno obrtničke komore.

Član 4. **(Prestanak obaveze)**

Obaveza plaćanja članarine prestaje:

- za članove udruženja odnosno obrtničke komore iz člana 3. stav (1) Pravilnika danom konačnosti Rješenja kojim se utvrđuje prestanak obavljanja djelatnosti,
- za članove udruženja odnosno obrtničke komore iz člana 3. stav (2) Pravilnika danom donošenja odluke o brisanju iz članstva od strane nadležnog organa udruženja odnosno obrtničke komore.

Član 5. **(Privremeni prestanak)**

Privremeni prestanak obaveze plaćanja članarine nastupa:

- za sezonsko obavljanje obrta/srodne djelatnosti u periodu godine kada se isto ne obavlja;
- za period privremene obustave obavljanja obrta/srodne djelatnosti, dok obustava traje.

Član 6. **(Članarina)**

- (1) Obaveza plaćanja članarine propisana je u skladu sa članom 46. stav (3) i (4) Zakona.
- (2) Članarina iz člana (3) Pravilnika, na mjesečnom nivou, iznosi 0,50% od osnovice za obračun doprinosa za prethodnu godinu koju objavljuje Federalno ministarstvo finansija/financija.
- (3) Skupština Obrtničke komore Federacije BiH u skladu sa članom 67. stav d) Zakona donosi Odluku.
- (4) Odluka sadrži način uplate, visinu do maksimalno utvrđenog iznosa u skladu sa stavom (2) ovog člana i raspodjelu članarine za obaveznike plaćanja članarine na način kako je propisano Pravilnikom.

Član 7. **(Koeficijenti raspodjele)**

Koeficijenti raspodjele članarine između udruženja obrtnika, udruženja lica koja obavljaju srodne djelatnosti, obrtničkih komora kantona i Obrtničke komore Federacije BiH utvrđuju se Odlukom iz člana 6. stav (3) Pravilnika.

Član 8.
(Rokovi plaćanja)

Obaveznici iz člana 2. Pravilnika obračunavaju i uplaćuju članarinu u rokovima dospjeća prema sljedećem rasporedu:

Tromjesečje	Datum u tekućoj godini		Zaduženje za razdoblje
	Zaduženja	Dospijeća	
I	15.02.	28.02.	januar–mart
II	15.05.	31.05.	april–juni
III	15.08.	31.08.	juli–septembar
IV	15.11.	30.11.	oktobar–decembar

Član 9.
(Plaćanje članarine)

- (1) Obaveznici plaćanja članarine iz člana 2. ovog pravilnika, uplaćuju članarinu putem platnog naloga, obračunatu u skladu sa članom 6. ovog pravilnika u korist računa javnih prihoda kantonalnih obrtničkih komora prema sjedištu obrta/srodne djelatnosti, u skladu sa propisom kojim se uređuje način uplate javnih prihoda u Federaciji Bosne i Hercegovine, kojeg donosi Federalni ministar finansija.
- (2) Kantonalna obrtnička komora usmjerava prilive u korist računa Obrtničke komore Federacije BiH u skladu sa Odlukom iz člana 6.stav (3) Pravilnika.

Član 10.
(Oslobađanje od plaćanja)

- (1) Obrtnička komora kantona izuzetno može osloboditi plaćanja odnosno otpisati potraživanja po osnovu članarine obavezniku koji nije u mogućnosti izvršiti svoju obavezu zbog privremenog zatvaranja obrta/srodne djelatnosti radi bolesti, nastupa više sile ili slično.
- (2) Uz pisani zahtjev obrtničkoj komori kantona obaveznik je dužan dostaviti i vjerodostojne dokaze iz kojih je vidljivo nastupanje razloga nemogućnosti izvršenja obaveze.

Član 11.
(Godišnji pregled obračunate i uplaćene članarine)

- (1) Obaveznici plaćanja članarine iz člana 2. Pravilnika dužni su sačiniti Godišnji pregled obračunate i uplaćene članarine obrtničkoj komori kantona i dostaviti ga nadležnoj ispostavi Porezne uprave Federacije BiH, prema sjedištu obaveznika do 31.03. tekuće godine za prethodnu godinu, a u skladu s odredbama Zakona o Poreznoj upravi Federacije BiH („Službene novine Federacije BiH", br.: 33/02, 28/04, 57/09, 40/10, 27/12, 7/13, 71/14 i 91/15).
- (2) Obrazac ČOK (članarina obrtničkoj komori) – Godišnji pregled obračunate i uplaćene članarine obrtničkoj komori kantona iz stava (1) ovog člana dat je u prilogu i sastavni je dio Pravilnika.

Član 12.

(Uplata članarine udruženjima)

- (1) Naplaćenu članarinu kantonalne obrtničke komore u skladu sa koeficijentom raspodjele iz člana 7. Pravilnika, usmjeravaju na račun udruženja obrtnika i udruženja lica koja obavljaju srodne djelatnosti sa svog područja u rokovima dospijeca prema sljedećem rasporedu:

Tromjesečje	Datum u tekućoj godini		Zaduženje za razdoblje
	Zaduženja	Dospijeca	
I	28.02.	15.03.	januar–mart
II	31.05.	15.06.	april–juni
III	31.08.	15.09.	juli–septembar
IV	30.11.	15.12.	oktobar–decembar

- (2) Članarina iz stava (1) ovog člana uplaćuje se na osnovu spiskova članova udruženja koji su potpisali pristupnicu ili imaju člansku kartu udruženja na čijem se spisku nalaze.
- (3) Za više plaćene iznose članarine obaveznici imaju pravo zatražiti povrat više plaćenih iznosa članarine ili istu koristiti kao plaćanje budućih obaveza.

Član 13.

(Prestanak važenja)

Danom stupanja na snagu Pravilnika prestaje da važi Pravilnik o visini, raspodjeli i načinu uplate članarine obrtnika i lica koja obavljaju srodne djelatnosti („Službene novine Federacije BiH”, broj: 52/10 i 73/11).

Član 14.

(Stupanje na snagu)

Ovaj pravilnik stupa na snagu narednog dana od dana objavljivanja u „Službenim novinama Federacije BiH”.

Broj: 07-02-116/22
14.06.2023.godine
Mostar

MINISTAR

Vojin Mijatović

OBRtničKA KOMORA	ID BROJ	BANKA	UPLATNI RAČUN	SJEDIŠTE
OK FEDERACIJE BOSNE I HERCEGOVINE	4227835640000	Raiffeisen bank d.d. Mostar	1610200048330057	Stjepana Radića 76E, 88000 Mostar
OK UNSKO-SANSKOG KANTONA	4263261330003	Union banka Bihać	1020220000053653	Bihaćkih branilaca 47, 77000 Bihać
OK POSAVSKOG KANTONA	4254106450001	UniCredit bank d.d. Odžak	3383302200683915	Titova b.b., 76290 Odžak
OK TUZLANSKOG KANTONA	4210077650007	NLB Tuzlanska banka Tuzla	1321000309127368	Rudarska 56, 75000 Tuzla
OK ZENIČKO-DOBOJSKOG KANTONA	4218531270002	ASA Banka Zenica	1346681007019453	Mehmedalije Tarabara 15, 72000 Zenica
OK BOSANSKO-PODRINJSKOG KANTONA	4245069590001	Union banka d.d. Goražde	1020070000036152	Sinan paše Sijerčića 19, 73000 Goražde
OK SREDNJOBOSANSKOG KANTONA	4236618610002	UniCredit Bank d.d. Kiseljak	3386702240187480	Josipa Bana Jelačića bb, 71250 Kiseljak
OK HERCEGOVAČKO-NERETVANJSKOG KANTONA	4228122030003	UniCredit bank d.d. Mostar	3381002202633439	Stjepana Radića 76E, 88000 Mostar
OK ZAPADNOHERCEGOVAČKOG KANTONA	4272259770003	UniCredit bank d.d. Grude	3381402200772183	Dr. Franje Tuđmana 83, 88340 Grude
OK KANTONA SARAJEVO	4201009580000	UniCredit Bank d.d. Sarajevo	3387302220433691	Čobanija 18 – 20, 71000 Sarajevo
OK KANTONA 10	4281165270006	Addiko banka	3060050000417116	Mijata Tomića bb, 80240 Tomislavgrad

